

La Tsapela de Staqueueveun

Lhet dou tredicezim secoul a planta retangoulař, tre ampourtan daou lato nord, vers lou tsamin, desù tre fèiseus trouveun le pituřeus di vîse, dle virtuu è pi bas le pèineus de l'ufert : soun dou 1483-90.

Li studiouz ian atribuilis a l'èicola di « Serra » que lh'aseumble bien a sto savouiarda.

Viot a l'èitsota vaieun Gerusalemme è desùt la muralha trouven Notroun Sinhou ansèn iouèt èindzeun, a loué se viřoun Maria è Sèin Jouen Batista que prèioun per èidee lez animeus di danaa.

Ai pia dla porta de la sitaa iot Sèin Pieře a loué se prezeuntoun le set virtuu acoumpanhaa da si èindzeun è ampersounaa da de fumèleus.

La fèisa dou mielh lhot ina teta d'in mustro: et l'ufèrt! Devan iot li vîse, de omeun a tchuval de bete acoumpanhaa da in petseut diablo touit groupaa avé ina cadèina.

Ba aou foun trouveun le pèineus de l'ufert que vezioun peu a le dzeun ! è in'èicrita l'he deut que seun que vaii iot vivo « Lazzaro » tra sa mort è rezuřesioun.